

Betnyied Cibngux Ciet Doxcomz

上林县大丰镇皇周小学六年级 Moz Sinhyiz/莫欣怡

“Ronghndwen seizlawz hwnj, dawz laeuj cam gwnzmbwn”. Baez yaepda, ciet betnyied cibngux youh daeujdaengz lo, caeuj ciet betnyied cibngux bi’gvaq mbouj doengz dwg, bineix ngoenz cibngux caeuj ngoenz gozging caemh ngoenz ndeu, song ciet caez gvaq, caen angq lai lo! Ndigah gou caeuj daxboh daxmeh itheij madaengz lajmbanj caeuj daxgoeng doxcomz gvaqciet.

Dou gwn donqcaez doxcomz sat le cingq dwg seiz mbwn ngamq laep, gou couh caeuj daxmeh itheij dawz aendaiz luenzhung ram hwnj gwnz dingjlaeuz bae, lij dawz gij daengq buen hwnjbae, baij ndei daizdaengq le, couh dawz mak, bingronghndwen, yienglab daengj baij hwnj gwnz daiz, cunjbei caeq ronghndwen lo.

Mbwn ciemhciemh bienq laep, aen ronghndwen luenzlulu daj baihdoeng loh aennaj okdaeuj, lumj dahsau gyaundeideu. Ronghndwen ronghsagsag venj youq gwnzmbwn, ciuqrongh daihdeih. Dou daengx ranz vnz comz youq henz daizluenz, diemj

dawz yienglab, hainduj caeq ronghndwen. Cij raen daxgoeng song fwnz doxhab, ndaw bak nam naeuz: “Ronghndwen hung, ngoenzneix dwg ciet betnyied cibngux caeuj ciet gozging, baujyouh daengx ranz vnz gou ndangcangq, okhaeuj bingzan, gohaeux funksou, ciengxduz cungj maj, seng’eiq hwnghoengz, sou ndaej ngaenz lai. Baujyouh guekgya hwnghuengh bingzan, beksingq andingh……”

Gou dingq daxdoeng nam baenzlai, ndawsim gig geizheih, hoeng lijdwg cibfaen goenggingq. Caeq sat ronghndwen, dou itheij gwn bingjronghndwen itheij ganggoj, daxmeh gangj aengoj 《Cangzngoz Buet Coh Ronghndwen》hawj gou dingq, Cangzngoz ndaw gojgaeq hawj gou siengj ndaej haujai, aensim gou mbin daengz gwnz ronghndwen bae, caen siengj bae yawjyawj gwnz ronghndwen miz mbouj miz gvangjhanzunguh, miz mbouj miz Cangzngoz, miz mbouj miz Vuzganh cingq raemj gofaexgviq, miz mbouj miz duzdouq cingq



daemyw……

Dou gwn dwk gangj dwk, diuz goronghndwen he cienz gvaqdaeuj: “Betnyied cibngux ronghndwen luenz, gwn aen bingjluenz van youh hom. Ronghndwen luenzluez vnz dox-

comz, nyiedbingj homhom sim vuenyungz!” Dwg ha, song ciet caez gvaq geijlai angq ha! Geijlai nanzlumz ha!

(lauxsae son’gyauq Vangz Gveiyangh)

Duz Nyaenma Iq Hwnjhag

Gyanghaet seizcou, rumzliengz cifi, singzdoenghduz sawqmwh nauhyied haujai—ngoenzneix yozyen doenghduz ciusou hagseng lo!

Aen canghaeux nyaenma iq Beibei caeuj daxmeh youq de doi rim byaek mak, ndaw hoengheiq mbin miz feih diemzsub. Daxmeh youq ndaw ranzdajcawj nyaengq dwk, Beibei youq henz loengh aen feihgih iq. Seizde, bohlgw duzyungzmauh daj rog cueng byaij gvaq, duzyungzmauh iq raek aen daehsaw hung he. Daxmeh nyaenma sawqmwh siengj hwnj ngoenzneix dwg ngoenz yozyen doenghduz hagseng moq bauqmingz, ganjvaiq heuh Beibei bae bauqmingz.

Giz hagseng moq bauqmingz vnz lai vnz daih, Beibei baizdoi baiz haemq nanz le, dauqdae baiz daengz de lo. Yaucangj yiengzbya baez yawjraen Beibei, aennaj riunyumj sikhaek bienqbaenz caepcat. Beibei byaij hwnjbae, goenggingq doiq yaucangj yiengzbya naeuz: “Yaucangj, gou heuh……” Yaucangj yiengzbya najlaep ciengj vah de naeuz: “Sou nyaenma daiq ganvad lo, ndigah……” “Ndigah mwngz mbouj sou gou, deng lwi?” Beibei cam. Yaucangj yiengzbya mbouj nanhfanz naeuz: “Deng lo, mwngz baema ba, baihlaeng lij miz vnz bw!”

Beibei naiqnuk byaij bae lo, de ngaem gyauej roengz, gwj byaij gwj byaij, cij dingqny “bung” sing ndeu, swx makcoengz he daj gwnz gyaquhu sangrau doek roengzdaeuj, laxlawz dwg diuzrieng hung nyaenma iq nyex hux, bungqdeng doxgaiq bouqmakcoengz doek roengzdaeuj lo. Beibei sikhaek buetdeuz, de maqmuengh sikhaek maj ok gaiqfwd daeuj mbin deuz vaiqdi.

Hoeng ngamq buet yaep ndeu, Beibei sawqmwh siengj: Couhdwg aenvih gou cungj mbouj gamj mienhdoi qij loek swheij,

ndigah cij louz gij yinsieng mbouj ndei hawj daihgva, gou yaek gaij gij loek gou bae. Siengj daengz gijneix, de ganjvaiq buet dauqlaeng. Cingqngamj raen daxmeh noucoengz cingq gip makcoengz, de naeuz: “Daxmeh noucoengz, dwg gou bungq doek gij makcoengz mwngz, hawj gou gip hwnjdaeuj ba!”

Gangj sat, Beibei sikhaek gungj ndang roengzdaeuj gip makcoengz, daxmeh noucoengz naeuz: “Guh loek le rox cawjdoengh nyinhloek, caiq gaij ndei, lij lwg lwgnyez ndei!” Dingq daxmeh noucoengz baenzneix gangj le, nyaenma iq mbouj eiqseiq najnding lo. Daxmeh noucoengz sawqmwh siengj hwnj gijmaz, cam: “Nyaenma iq, mwngz ngoenzneix dwg mbouj dwg bauqmingz hwnjhag ha?” Nyaenma iq doeknaiq han naeuz: “Hagdangz mbouj sou gou, naeuz dou nyaenma vaddaeuz lai!” Daxmeh noucoengz ganjvaiq nai de: “Mwngz baenzneix ndei, hagdangz itdingh sou mwngz, gaej siengsim!”

Gijneix cingqngamj hawj lauxsae duzbeuq lohgvag haenx yawjraen lo. Lauxsae duzbeuq dwg boux lauxsae ndei gangjavah guhsaeh habcingz hablex ndeu, yawjraen gij cingzgingj neix, de gietdingh sou laeq lwgnyez roxsoq neix.

Ngoenz daihngaih, Beibei couh aemq aen daehsaw angqvauvau bae hagdangz lo.

(Yi Sinhsinh)



Meh Vihmaz Mbouj Gyaez Gwn Gvehoengz

“Beixmbauq ha, mwngz ceiq gyaez gwn gva gijmaz ne? Gou ceiq gyaez gwn gvehoengz.”

“Vihmaz ne?”

“Gvehoengz baenzgwn go. Beixmbauq ha, gou duenz mwngz goj ceiq gyaez gwn gvehoengz, dwg lwi?”

“Mwngz guhlawz rox ne?”

“Baezbaez gwn gvehoengz, mwngz cungj gwn ndaej ceiq lai ceiq lai bw.”

“Luenh gangj! Gou gwn ceiq noix go.”

“Mwngz yaeh vnz bw. Meh gwn ceiq noix, de baezbaez cungj hawj gou caeuj mwngz gwn, de mbouj gwn, gwn goj dwg gwn di ndeu ndwi. Beixmbauq ha, mwngz rox meh gyaez gwn gva gijmaz lwi? Mwngz naeuz, meh vihmaz mbouj gyaez gwn gvehoengz ne?”

(Daj《Bonsei Sim Lwgnyez》)(Veiz Gizlinz raiz) senj okdaeuj, Lwgfwnzgmeh /卢奋长 hoiz)